



FEDERAL REPUBLIC OF SOMALIA
Ministry of information Culture And Tourism

Date: 03/05/2020

WAR SAXAAFADEED

**Dowladda Federaalka oo Gurmud deg-deg ah u diraysa magaalada Bacaadweyne ee Gobolka
Mudug**

Muqdisho, May 03, 2020; Wasiirka Gargaarka iyo Maareynta Musiibooyinka ee Xukuumadda Federaalka Soomaaliya Mudane Xamse Siciid Xamse ayaa ka warbixiyey gurmud deg-deg ah oo Dowladda Federaalka Soomaaliya ay gaarsiinayso Deegaanka Bacaadweyne ee Gobolka Mudug, halkaas oo daadad ku fatahay ay sababeen xaalad binu aadantinimo oo adag.

Wasiirka ayaa tilmaamay in Madaxweyne Maxamed Cabdullaahi Farmaajo uu faray Guddiga Gurmudka Qaran ee Fatahaadaha in ay deg-deg ugu howlgalaan sidii gurmud loo gaarsiin lahaa muwaadiniinta ku dhibaataysan Bacaadweyne oo hooy iyo hantiba ku beelay daadadka ku fatahay.

Wasiirka Gargaarka iyo Maareynta Musiibooyinka ayaa ka tacsiiyeyey dadka ku nafwaayey fatahaaddan ka dhacday Bacaadweyne, isaga oo muujiyey sida Madaxweynaha, Raaiisul Wasaaraha iyo guud ahaan Golaha Xukuumadda Federaalka Soomaaliya ay uga murugaysan yihiin dhibaatan.

Wasiir Xamse Siciid ayaa ugu baaqay dadka Soomaaliyeed in ay u istagaan sidii ay uga qeyb qaadan lahaayeen gurmudka deg-deg ah ee loo fidinayo deegaannada ay fatahaaduhu ku dhufteen, iyada oo la xoojinayo wacyi gelinta ku aaddan halista fatahaadaha iyo daadaka ee la filanayo, maadaama lagu guda jiro xilli roobaadkii Guga.

DHAMMAAD

